

14 APR 1997

PERDANA MENTERI MESIR DIBERI SAMBUTAN RASMI DI PARLIMEN

KUALA LUMPUR, 14 April (Bernama) -- Perdana Menteri Mesir Dr Kamal Ahmed El-Ganzoury yang tiba di sini malam tadi untuk lawatan rasmi dua hari, diberi sambutan rasmi di medan Parlimen pagi ini.

Ketibaan beliau pada upacara itu disambut oleh Perdana Menteri Datuk Seri Dr Mahathir Mohamad.

Pemimpin Mesir itu memeriksa barisan kehormat terdiri daripada tiga pegawai dan 104 anggota Batalion Pertama Regimen Askar Melayu Diraja pimpinan Mejar Hamdi Abdul Rahman.

Beliau kemudian diperkenalkan kepada menteri-menteri kabinet dan para pegawai diplomat.

Dr Kamal dijadual mengadakan pertemuan dengan Dr Mahathir sebelum menghadiri perbincangan dua hala di Jabatan Perdana Menteri kemudiannya.

Beliau juga akan menghadap Yang di-Pertuan Agong Tuanku Ja'afar di Istana Negara. -- BERNAMA

WE RON